



Sud Bosne i Hercegovine

Суд Босне и Херцеговине

Broj: Su-08-108/19

Datum: 16.04.2019. godine

Na osnovu člana 64. stav (1) tačka b) najniža cijena, člana 70 stav 1., 3. i 6. Zakona o javnim nabavkama ("Službeni glasnik BiH", broj 39/14) i člana 1. Poslovnika o radu Suda Bosne i Hercegovine („Službeni glasnik BiH“, broj: 82/05) na preporuku Stalne komisije za javne nabavke Suda BiH broj: Su-08-107/19 od 16.04.2019. godine u postupku javne nabavke higijenski potrošni materijal – **39800000-0**, donosim

ODLUKU

o izboru najpovoljnijeg ponuđača za nabavku higijenskog potrošnog materijala

član 1.

Prihvata se preporuka Stalne komisije za javne nabavke Suda BiH (u daljem tekstu: Komisija), broj: Su-08-107/19 od 16.04.2019. godine i Ugovor za nabavku **higijenskog potrošnog materijala** - oznaka i naziv iz JRJN: 39800000-0 (proizvodi za čišćenje i poliranje), dodjeljuje se ponuđaču „**Defter“ d.o.o. Sarajevo**, sa sjedištem na adresi Gatačka 20, a ponuda ovog ponuđača broj: 191/2019 od 05.04.2019. godine za ponudenu cijenu od **17.068,79 KM** bez PDV-a, kao najbolje ocijenjena ponuda.

član 2.

Ugovor o nabavci dostaviti će se na potpis izabranom ponuđaču „**Defter“ d.o.o. Sarajevo** po proteku roka od 15 dana računajući od dana kada su svi ponuđači obavješteni o izboru najpovoljnije ponude.

član 3.

Ova odluka objavljuje se na internetskoj stranici Suda BiH. Komisija za javne nabavke uputiti će obavještenje ponuđačima koji su učestvovali u postupku u skladu sa članom 70. stav (6) Zakona o javnim nabavkama.

član 4.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke u skladu sa članom 71. stav (2) Zakona o javnim nabavkama.

Образлоženje

Postupak javne nabavke pokrenut je Odlukom o pokretanju postupka nabavke higijenskog potrošnog materijala broj: Su-08-41/19 od 07.03.2019. godine. Javna nabavka je provedena putem otvorenog postupka za dostavu ponuda broj: Su-08-51/19, a procijenjena vrijednost javne nabavke bez PDV-a je 17.100,00 KM. Obavještenje o nabavci objavljeno je na portalu javnih nabavki pod brojem 243-1-1-8-3-7/19 od 18.03.2019. godine sa tenderskom dokumentacijom. Komisija je rukovodiocu ugovornog organa dostavila Zapisnik o pregledu i ocjeni ponuda i prijedlog o izboru najpovoljnijeg ponuđača u postupku javne nabavke higijenskog potrošnog materijala. Komisija je blagovremeno i pravilno izvršila javno otvaranje ponuda dana 08.04.2019. godine i sačinila Zapisnik sa otvaranja ponuda koji je prosljeđen svim ponuđačima koji su učestvovali u postupku. Nakon otvaranja ponuda Komisija je pristupila ocjeni i poređenju ponuda te o tome sačinila odgovarajuće zapisnike u kojima je utvrđeno slijedeće: da je blagovremeno pristiglo ukupno tri (3) ponude (Gold Mignon d.o.o., Inter-com d.o.o. i Defter d.o.o.), da nije bilo neblagovremeno zaprimljenih ponuda; da su sve pristigle ponude ponuđača ocijenjene prihvatljivim u skladu sa tenderskom dokumentacijom.

Za ovaj postupak je predviđena e-aukcija. Sve prihvatljive ponude (Gold Mignon d.o.o., Inter-com d.o.o. i Defter d.o.o.), su unesene u sistem e-nabavke i e-aukcija je zakazana za 15.04.2019. godine sa početkom u 12.00 sati i završetkom u 12.30 sati. U toku e-aukcije nije bilo podnošenja novih cijena (novih ponuda). Nakon završetka e-aukcije u sistemu e-nabavke je kreiran izvještaj o toku i završetku e-aukcije (početna i konačna rang lista) prispjelih ponuda u kojem je utvrđeno da je prvorangirana ponuda ponuđača "Defter" d.o.o. Sarajevo sa cijenom od 17.068,79 KM bez PDV-a, drugorangirana je ponuda ponuđača "Inter-Com" d.o.o. Zenica sa cijenom od 19.532,96 KM bez PDV-a i trećerangirana je ponuda ponuđača "Gold Mignon" d.o.o. Sarajevo sa cijenom od 28.799,18 KM bez PDV-a.

U postupku ocjene provedenog postupka, rukovodioc ugovornog organa nije našao nepravilnosti niti propuste u radu koji bi eventualno bili osnov za neprihvatanje preporuke Komisije. Naime, u postupku je ocijenjeno da je Komisija u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama BiH, podzakonskim aktima, internim aktima i tenderskom dokumentacijom. Nakon okončanja e-aukcije nesporno je da je prvorangirani ponuđač "Defter" d.o.o. Sarajevo izabran primjenjujući kriterij najniže cijene koja je ponudena u iznosu od 17.068,79 KM bez PDV-a.


Iz navedenih razloga, primjenom člana 64. stav (1) tačka b) najniža cijena Zakona o javnim nabavkama odlučeno je kao u dispozitivu.

POUKA O PRAVNOM LIJEKU:

Ponuđač koji je učestvovao u postupku nadmetanja može radi zaštite svojih prava i pravnih interesa izjaviti žalbu ugovornom organu u roku od 10 (deset) dana od dana prijema ove odluke.

PREDSJEDNIK SUDA

Ranko Debevec



RD